

皇朝史略

青山延子著



伊5
2753
2





十元テエタ

hancor

フイノコエツリ

別ノエツリヲスル臨時集

西園子經。史。子。集。

其身存急リナシ
其際ヲ測ルナシ。

備ニ

イナハニ

皇朝史略卷之四
天皇マ太政方ノ修ニ依テ位ニ立ツコトヲ得ルナリ



皇朝史略卷之四
水府史臣青山延



延光校

光仁天皇諱白壁天智帝之孫志貴親王之子也稱德

帝崩參議藤原百川與左大臣藤原永手等議奉帝為

皇太子今本書不載藤原百川○貶僧道鏡為造下野藥

師寺別當流大納言弓削淨人及其子廣方等於土佐

淨人道鏡弟起布衣八年間至大納言至是流竄○以

河内職復為河内國○九月召還流人和氣清麻呂○

冬十月帝即位改元寶龜○十一月追尊皇考志貴親

王曰春日宮天皇立妃井上內親王為皇后○是歲遣

唐留學生阿倍仲麻呂卒于唐仲麻呂者中務大輔船

守子也性聰敏好讀書年十六選為遣唐留學生船守

據僧顯昭古今多所該識易姓名曰朝衡按朝取朝臣

如高向黑麻呂稱高玄理之類也玄宗授左補闕為儀

王友唐書後至秘書監王維集兼衛尉卿勝寶中藤原清河

至唐玄宗命仲麻呂接伴日本高僧及清河還仲麻呂

欲與歸古今集玄宗因命為使王維包佶趙驊等皆贈以

詩文苑英華海上遇風漂泊安南日本紀李白以為漂沒

作詩哭之李白集後與清河復至唐日本紀肅宗擢左散騎

常侍安南都護唐書至是卒年七十代宗贈潞州大都督

紀仲麻呂在唐五十餘年身雖榮貴思歸不已言及鄉

國未嘗不悽惻嘗望月為和歌後世傳為絕唱古今集抄清

河在唐十餘年亦卒於唐○二年春正月立皇子他戶

親王為皇太子○二月左大臣藤原永手薨○三月以

大納言大中臣清麻呂為右大臣正二位藤原良繼為

內臣○右大臣吉備真備致仕致仕據本書真備薨條及補任○秋九

月罷左右平準署○三年春正月渤海來貢以表文無

禮却之○三月廢皇后井上內親王○夏五月廢皇太

子為庶人○秋八月遣使淡路改葬廢帝○四年春正

皇朝史略 卷四
月立皇子中務卿山部親王爲皇太子初皇后淫恣帝
既老惑溺不悟時山部親王素得時望參議藤原百川
常屬意親王欲以計傾后併廢太子會帝與后奕賭以
美女美丈夫后勝責輸不已帝甚慙沮百川勸帝遣山
部親王侍后后大寵之既而帝悔恨后竊投毒宮井又
咒詛帝百川推問得實奏請暫幽后於縫殿寮使自思
過帝從之百川乃矯作宣命會公卿於太政官傳宣曰
廢皇后及皇太子帝大驚曰欲使后悛心何遽至如此
對曰母有罪而子驕固宜廢黜辭氣甚厲帝不能奪后
及太子遂廢羣臣奏請早定儲位帝擇所立百川請立

親王帝以亂倫不許百川曰親王之侍皇后實陛下之
所命也豈其本心哉參議藤原濱成曰山部親王母賤
宜立稗田親王百川按劍叱之曰濱成之言非也夫建
儲以賢不論母之貴賤山部親王令聞夙著天下屬意
願勿他議帝不答起入內百川厲聲曰不承聖斷則臣
不肯退立殿前四十餘日帝感其誠惻乃許之至是遂
立爲儲貳時人稱百川忠烈初皇后已下水鏡百川宇合之子
也

外史氏曰藤原百川援立光仁帝而桓武帝之
立爲儲貳又賴其力若百川者可謂忠於社稷也然

觀其所爲傾險鄙褻不近人情雖姦邪之小人不敢爲之况於忠亮之臣乎蓋皇后之廢以巫蠱則太子之廢亦必坐之未必如故老之所傳而稗官小說欲成其美緣飾傳會以至於此耶果如其說則百川廼權變譎詐之尤甚者耳何得爲忠亮哉然當時正史已諱而不書而獨出於稗官野史之說則安能保其無謬哉百世之下遂使賢主蒙污忠臣受誣可慨也夫

○夏六月渤海來貢責其無禮却之○秋七月祭疫神於天下諸國○五年春三月新羅入貢責其無禮却之

○秋七月敕陸奧鎮守將軍大伴駿河麻呂討蝦夷○冬十一月駿河麻呂討平蝦夷○六年夏四月廢后并上內親王庶人他戶並卒○秋九月前右大臣吉備真備薨真備下道國勝之子年二十二徃唐學問研究經史兼綜衆藝我朝學生播名於唐者唯真備與阿倍仲麻呂二人而已孝謙帝在東宮爲學士授禮記漢書恩寵甚渥賜姓吉備以青宮舊恩累遷至右大臣初大學釋奠其儀未備真備依替禮典器物始備禮容可觀藤原仲麻呂之反也真備度其必走遣兵徼之拍麾部分曲得其宜賊遂平其輔朝政多所裨補至是薨年八十

三〇八年春正月以內臣藤原良繼爲內大臣〇夏四月渤海來貢〇六月遣從五位上小野石根從五位下大神未足于唐先是以正四位下佐伯今毛人爲遣唐大使病不能行至是敕石根持節行大使事〇秋九月內大臣藤原良繼薨〇九年春正月改葬廢后井上內親王〇三月以大納言藤原魚名爲內臣尋改內臣爲忠臣〇十年春正月以忠臣藤原魚名爲內大臣〇二月贈故遣唐大使藤原清河從二位副使小野石根從四位下初石根如唐及還唐主使內使趙寶英護送之海上遭風覆沒大神未足等僅得歸〇渤海來貢〇夏

五月唐使孫興進等來〇秋七月參議中衛大將藤原百川薨百川幼有器度累歷顯要盡心納忠帝甚信任委以腹心及薨帝悼惜詔贈從二位延曆初追贈右大臣〇十一年春正月新羅入貢〇三月陸奧上治郡大領伊治些麻呂反殺按察使紀廣純蝦夷大亂以中納言藤原繼繩爲征東大使正五位下大伴益立從五位上紀古佐美爲副使以從五位下大伴真綱爲陸奧鎮守副將軍從五位上安倍家麻呂爲出羽鎮狄將軍以討蝦夷〇秋九月以正四位下藤原小黑麻呂爲持節征東大使〇天應元年夏四月帝禪位於皇太子在位

十二年改元者二曰寶龜天應皇太子立是為桓武天皇

桓武天皇諱山部光仁帝長子也母皇太后高野氏寶龜四年立為皇太子至是受禪即位○立皇弟早良親王為皇太子○五月始置中宮職○六月右大臣大中臣清麻呂罷○以內大臣藤原魚名為左大臣○秋八月陸奧按察使藤原小黑麻呂凱旋○冬十二月太上皇崩壽七十三○延曆元年春閏正月冰上川繼謀反事覺流于伊豆三島貶黜其黨三十五人○夏六月左大臣藤原魚名坐事免○以大納言藤原田麻呂為右

大臣田麻呂字合之子也○二年春三月右大臣藤原田麻呂薨○秋七月以大納言藤原是公為右大臣是公參議乙麻呂之子也○三年春二月以從三位大伴家持為持節征東將軍從五位上文屋與企為副○夏六月遣使長岡經始都城營作宮殿○冬十一月遷都長岡○四年秋七月刑部卿兼因幡守淡海三船率三船帝大友曾孫池邊王之子也初為諸王勝寶中賜姓淡海真人後為大學頭兼文章博士為人聰敏涉覽羣書善屬文嘗奉敕定神武以來謚號嘗奉敕已下據釋日本記引私記○九月廢皇太子初帝好游幸委政太子太子以佐伯

今毛人為參議中納言藤原種繼以為佐伯氏未嘗任
參議奏罷其職太子由是深惡種繼常欲除之初帝已下水鏡
會帝幸平城種繼與右大臣藤原是公留守太子使人
射殺種繼帝聞變大驚明日還宮搜索其賊捕獲左少
辨大伴繼人近衛伯耆杼麻呂中衛壯鹿木積麻呂及
大伴竹良等命右大辨石川名足鞫之悉獲其黨與窮
問皆服罪事連太子於是誅其首惡繼人流其黨與廢
太子幽於乙訓寺太子絕食十餘日不死遣宮內卿石
川垣守等流太子於淡路至高瀨橋而氣絕載屍葬之
淡路日本紀畧種繼宇合之孫也帝甚親任中外機政悉裁

決焉遷都長岡首建其議及薨帝甚悼惜贈正一位左
大臣○冬十一月立皇子安殿親王為皇太子○五年
渤海來貢○六年冬十一月遣大納言藤原繼繩祀天
神於交野配以光仁帝○七年春三月發坂東諸國步
騎五萬餘限以來年三月會于多賀城以征蝦夷○秋
七月以參議中衛中將紀古佐美為征東大將軍○前
右大臣大中臣清麻呂薨○是歲僧最澄創根本中堂
於比叡山是歲已下水鏡後號延曆寺最澄近江人幼穎悟年
十二削髮為僧博通經論延曆末如唐至天台國清寺
師道邃遂傳台教貞觀中謚傳教大師賜大師號始此

元亨釋書

○八年春三月諸國軍士會于多賀城分道討賊
 ○秋七月敕廢伊勢美濃越前三國關○九月征東將
 軍紀古佐美還自陸奧敕責古佐美逗遛敗軍之罪解
 鎮守副將軍池田真枚安倍墨繩等官○右大臣兼中
 衛大將藤原是公薨○九年春二月以大納言藤原繼
 繩為右大臣繼繩豐成之子也○冬十月召見道守東
 人於禁內東人年一百二十二顏如少年賜衣服遣之
 ○十年秋七月以從四位下大伴弟麻呂為征夷大使
 正五位上百濟俊哲從五位上丹治比濱成從五位下
 坂上田村麻呂為副○九月以征東副使百濟俊哲兼

陸奧鎮守將軍○十二年春正月遣大納言藤原小黑

麻呂左大辨紀古佐美等于葛野郡宇太村相遷都地

十二年己下類聚國史

○三月改攝津職為國○築新京宮城○

十三年秋八月先是敕右大臣藤原繼繩等修國史至

是成奏上焉○冬十月遷都新京○十一月詔改山背

為山城號新京曰平安○十四年春正月征夷大將軍

大伴弟麻呂凱旋○冬十二月聽參議以上著白玉帶

○十五年春三月敕諸國舉武技出眾者日本紀畧○夏四

月渤海來貢○秋七月右大臣兼中衛大將東宮傅藤

原繼繩薨○九月敕置烽燧於山城河內以備不虞○

冬十一月鑄隆平永寶錢○十六年春二月先是重敕皇太子學士菅野真道等撰續日本紀至是成上之本

後紀紀畧○冬十一月以從四位下坂上田村麻呂為征夷

大將軍紀畧○是歲罷筑前國司隸太宰府三代格○十七

年夏五月遣使渤海紀畧○秋八月以大納言神王為右

大臣神王光仁帝孫榎井親王之子也公卿補任○冬十二

月渤海來貢○十八年春正月敕聽五位已下著玳瑁

帶紀畧○二月民部卿兼造宮大夫美作備前國造和氣

清麻呂薨清麻呂右京人為入抗直有匪躬之節歷事稱德光仁及帝練達庶務尤明古事撰民部省例二十

卷又撰和氣譜嘗闢義田於備前永充賑給鄉民賴之

及薨贈正三位日本後紀清麻呂嘗創弘文院以教子弟拾芥

抄○秋七月有一人乘小船漂著參河以布覆背左肩

著紺布形似袈裟年可二十身長五尺五分耳長三寸

餘言語不通不知何國人唐人見之曰崑崙人後頗習

中國語自謂天竺人常彈一絃琴歌聲哀楚聞其資物

有如草實者謂之綿種因居之川原寺日本後紀類聚國史以其

所齋綿種試令紀伊淡路阿波讚岐伊豫土佐等國植

之類聚國史○十九年春二月禁民輸錢求爵○秋七月追

號庶人早良為崇道天皇追復井上內親王為皇后○

冬十一月遣征夷大將軍坂上田村麻呂檢諸國夷俘
 ○是歲富士山焚○二十年秋九月征夷大將軍坂上
 田村麻呂奏討平夷賊○冬十月田村麻呂凱旋○二
 十一年春正月遣田村麻呂築陸奥膽澤城○夏四月
 田村麻呂奏言蝦夷酋大墓公阿氏利為盤具公母禮
 等率其眾五百餘人而降○五月以富士山焚石壅足
 柄路闢管根路○秋七月坂上田村麻呂將蝦夷二酋
 至京師○二十二年春三月田村麻呂築志波城備蝦
 夷○夏五月廢管根路復足柄舊路○二十三年春
 正月以從三位坂上田村麻呂復為征夷大將軍○三

月遣從四位下藤原葛野麻呂按性靈集作賀能唐書作興能即此也從

五位上石川益立於唐當時遣使口宣辭命無國書云

當時以下據性靈集僧空海代賀能與福州觀察使書○二十四年秋七月葛野

麻呂等還自唐葛野麻呂能書為唐人所稱能書據唐書○

冬十二月召羣臣議政事得失參議藤原緒嗣言方今

之患在兵與土木請罷二者以紓民力帝嘉之立罷其

役緒嗣百川之子也百川子據補任

外史氏曰古之人君所以廓大功業而開拓境土者

莫不由內有寒諤之臣以匡輔其德外有爪牙之士

以宣布其威也帝天姿英邁內務興作外事戎旅

任用才雋文武稱職獻可替否則有藤原緒嗣之徒折衝禦侮則有坂上田村麻呂之徒故能一攘蝦夷而終無東顧之憂暨營都城而永建無疆之基觀其聽緒嗣之言立罷徭役可謂改過不吝從諫如流者矣書云知人則哲又云好問則裕帝既有知人之鑑又有納諫之美其所以能成洪業而垂裕後昆者盖以此歟

○二十五年春三月帝崩壽七十葬カシハバ栢原陵日本後世紀畧世稱栢原天皇江家次第帝性英武勵心政治內事興作外攘夷狄雖經費巨多後世賴焉日本後紀在位二十五年改元

者一曰延曆皇太子立是為平城天皇日本後紀平城天皇諱安殿桓武帝長子也母皇后藤原氏延曆四年立為皇太子二十五年三月桓武帝崩五月即位改元大同立皇弟神野親王為皇太弟カミノ○先是右大臣神王薨日本後紀至是以中納言藤原內麻呂為右大臣日本紀畧臣公卿補任內麻呂真楯之子也○始置六道觀察使○六月敕諸王及五位已上子孫十歲已上皆入大學分業教習○秋七月詔曰比公卿奏日月云除聖忌將周國家故事就吉之後遷御新宮請預營構夫上都先帝所建水陸所湊道里惟均故不憚暨勞期以永逸棟宇相

望規模合度欲使後世子孫無所加益朕忝承聖基嗣
 守神器更事興作恐乖成規朕為民父母不欲煩勞思
 處舊宮禮亦宜之卿等宜知朕意焉後日本紀○二年春二
 月從五位下齋部廣成上古語拾遺古語拾遺○夏四月改
 近衛府為左近衛府中衛府為右近衛府○冬十一月
 殺皇弟中務卿伊豫親王先是藤原宗成勸親王潛謀
 不軌親王拒之不從而猶未以聞親王舅大納言藤原
 雄友告之右大臣藤原內麻呂親王大懼遽奏宗成勸
 反狀即繫宗成於左衛士府按驗之宗成誣言首謀反
 逆者親王也後日本紀左近衛中將安倍兄雄固保其無罪帝

不聽後日本紀遂遣兄雄及左兵衛督巨勢野足等率兵圍
 親王第至是詔削親王號幽之河原寺不通飲食親王
 與其母藤原吉子仰藥而死宗成坐配流後日本紀○三年夏
 五月先是敕衛門佐安倍真貞侍醫出雲廣貞等撰大
 同類聚方至是成上之○復置筑前國司○秋七月廢
 衛門併左右衛士府廢衛士府主帥各六十人置門部
 各一百人其諸門禁衛令衛士府主之號曰左右衛府
 府後日本紀○九月聽親王及觀察使已上并六衛府次官
 已上養鷹鷲三代格○四年春二月勅倭漢總歷帝譜圖
 天御中主尊標為始祖至如魯王吳王高麗王漢高祖

等接其後裔倭漢雜糅敢垢天宗愚民迷執輒謂實錄
宜使諸司官人等所藏皆進若有挾詐隱匿乖旨不進
者事覺之日必處重科○三月傳位皇太弟日本後紀在位
四年改元者一曰大同皇太弟立是為嵯峨天皇

嵯峨天皇諱神野桓武帝第二子也大同元年立為皇

太弟至是受禪即位○立皇姪高岳親王為皇太子○

冬十月渤海來貢日本紀略○十一月太上皇遣右兵衛督

藤原仲成造宮平城類聚國史○弘仁元年春正月太上皇

遷御平城宮水鏡○三月始置藏人所職事補任○夏六月太

上皇詔罷觀察使復參議號紀略○秋九月初尚侍藤原

藥子有寵於太上皇居中用事矯附百端其兄右兵衛

督仲成恃勢驕恣陵侮王公日本後紀藥子密謀使太上皇

踐祚已居后位水鏡至是藥子遂矯命將遷都平城都下

騷動帝大怒收仲成下詔暴白藥子罪狀奪其官位擯

於宮外太上皇怒遂發兵與藥子同輿而東帝使人誅

仲成遣大納言坂上田村麻呂參議文室綿麻呂將兵

邀美濃路又發兵扼諸路要害太上皇不得進還宮雜

髮藥子自殺藥子種繼之女也初適中納言藤原繩主

生三男二女太上皇之在儲宮也其長女以選入宮藥

子為東宮宣旨太上皇私焉桓武帝惡而逐之太上皇

即位召為尚侍藥子巧求愛媚甚見嬖幸竟啓亂階云

○廢皇太子立皇弟中務卿大伴親王為皇太弟○渤

海來貢○冬十二月先是減左右近衛之數至是救復

舊額日本後紀○是歲以皇女有智內親王為賀茂齋置齋

院始此貴女抄一○二年春正月丙午觀青馬七日觀

青馬始此水鏡○按年中行事公事根源以承和元年

誤可鏡知今○夏四月以正四位上文室綿麻呂為征夷

將軍從五位下大伴今毛人佐伯耳麻呂坂上鷹養為副

○遣使於渤海○五月大納言兼右近衛大將坂上田

村麻呂薨年五十四田村麻呂川田麻呂之子也赤面

黃鬚眼如蒼隼勇力絕人有將帥之量數征蝦夷每出

有功寬容待士能得死力日本後紀及薨帝深悼惜

贈從二位親贊其像系圖贈位○秋七月遣征夷將軍

文室綿麻呂征蝦夷○冬十一月改左右衛上府曰左

右衛門府○三年春二月幸神泉苑觀花花宴節始此

○夏六月遣使攝津造長柄槁○冬十月右大臣兼左

近衛大將藤原內麻呂薨內麻呂少有令望德量溫雅

歷事三朝甚被信任典樞機十餘年靡有愆失初庶人

他戶為太子時性甚殘虐好害名流有一惡馬馭必蹠

齧太子令內麻呂乘之見其毀傷以為娛樂內麻呂乘

之惡馬低頭不動執鞭廻旋人以為非常之器及薨贈
從一位左大臣○十二月以大納言藤原園人為右大
臣日本後紀園人房前孫大藏卿樞麻呂之子也公卿補任○五
年夏五月詔賜皇子信弘常明等源朝臣姓○秋九月
渤海來貢○六年春三月勅軍用之要以馬為先今聞
權貴之家富豪之徒通使邊邑求馬夷狄部內由此不
肅兵馬所以闕乏宜依延曆六年格禁買陸奧出羽兩
國馬若有犯違實以嚴科○夏六月令畿內及近江舟
波播磨等國植茶每年獻之日本後紀○秋七月中務卿萬
多親王右大臣藤原園人等上新撰姓氏錄初帝憂神

武已來諸氏濫雜尊卑混淆詔園人及藤原緒嗣甄別
之以親王精譜學命攷定之至是成上之姓氏錄奏表○冬
十月敕定婦人服飾乘車制日本後紀○七年冬十月太宰
府言新羅清石珍等一百八十人歸化略紀○是歲僧空
海創金剛峰寺於高野山歷代皇紀一代要記空海讚岐多度人
姓佐伯氏少游太學博學多通深歸佛法落髮為僧延
曆末隨使如唐師青龍寺僧惠果遂傳密教續日本後紀延
喜中謚弘法大師○九年春三月詔朝會拜跪及常服
之制不論男女一準唐儀○夏四月改殿閣諸門號皆
題榜之紀畧命僧空海書南門榜橘逸勢書北門榜東西

門上自書之江談抄逸勢奈良麻呂孫入居之子也最妙

隸書延曆末隨使如唐唐人呼為橘秀才文德實錄奈良麻呂孫據

三代實錄○冬十一月鑄富壽神寶錢○十二月右大臣兼

皇太弟傳藤原園人薨○十年春三月詔復故夫人吉

子及伊豫親王位號○冬十一月渤海來貢○十一年

春二月新羅人配遠江駿河者七百作亂二國發兵討

之不克賊遂逃入海發相模武藏等七國兵討平之紀畧

○夏四月施行弘仁格十卷真觀格序先是詔大納言藤原

冬嗣中納言藤原葛野麻呂等撰格式弘仁格序至是成真觀

序○十二年春正月以大納言藤原冬嗣為右大臣紀畧

冬嗣內麻呂之子也補任○冬十一月渤海來貢○十二

月復置畿內諸國博士醫師○十四年春二月幸有智

內親王山莊紀畧開宴賞花令羣臣賦詩內親王獻詩曰

寂寂幽莊山樹裡僊輿一降一池塘棲林孤鳥識春澤

隱澗寒花見日光泉聲近報初雷響山色高晴暮雨行

從此更知恩願渥生涯何以答穹蒼內親王時年十七

上大歎賞授三品續日本後紀○三月割越前江沼加賀二

郡置加賀國○夏四月帝傳位於皇太弟帝幼聰敏好

讀書及長博覽經史善屬文妙草隸紀畧時僧空海亦善

草隸善草隸據高僧傳要文抄帝每與空海競優劣一日帝出法帖

示之中有絕佳者帝殊寶愛謂空海曰此唐人墨迹誠不可及也恨未知何人空海曰是臣空海在唐時所作帝以其體異不信空海乃裂軸奏覽書曰某年某日沙門空海書于青龍寺帝始歎服空海口及左右手足押筆並書世稱五筆和尚著聞集嘗奉敕書應天門榜及既釘少應字一點空海乃擲筆填之毫無差謬觀者服其妙云水鏡高僧傳要帝在位十五年改元者一曰弘仁皇太弟立是為淳和天皇

淳和天皇諱大伴嵯峨帝弟也母贈皇太后藤原氏弘仁元年立為皇太弟至是受禪立皇姪正良親王為皇

太子○是歲渤海來貢○天長元年春三月詔以皇太

后忌月廢五月五日節公卿奏請以九月九日觀騎射

從之○夏六月以僧義真為天台座主天台座主始此

座主記 岳要記義真相模人嘗從最澄如唐元亨釋書○秋七月

平城上皇崩壽五十一○冬十月停多禊國司隸大隅

○二年夏四月以右大臣藤原冬嗣為左大臣大納言

藤原緒嗣為右大臣○秋八月置畿內七道巡察使○

是歲渤海來貢○三年秋七月左大臣藤原冬嗣薨日本

紀冬嗣器局温雅才兼文武寬容接物歷事四朝公卿補任

嘗置施藥院收養親族貧窶者又創勸學院教授子弟

析封戶以給之續日本後紀世稱閑院大臣補冬嗣嘗歎藤

原氏之衰建南圓堂於興福寺以祈興隆其子良房至

攝政子孫勢位赫奕世無與比云大鏡正統記元享釋書○九月

始改上總常陸上野三國守稱太守以親王領之三代格

○六年夏五月敕諸國造水車○七年秋七月大納言

兼右近衛大將良岑安世薨安世桓武皇子延曆末

賜姓少好鷹犬善騎射多技藝及長始讀孝經輟卷而

歎曰名教之極其在斯乎自是篤志學術率成名臣補任

安世有文藻嘗奉敕與東宮學士滋野貞主撰經國集

二十卷行于世○冬十月大納言藤原三守等上新撰

格式○八年秋八月幸神泉苑召阿波守善道真貞主

稅頭安野真繼直講刈田種繼等論經義真貞為座首

論三傳義真繼論三禮義是歲敕東宮學士兼因

幡介滋野貞主與諸儒集古今文書作祕府略一千卷

文德實錄○九年冬十一月以右大臣藤原緒嗣為左大臣

大納言清原夏野為右大臣紀夏野三原王之孫也補任

○十年春二月右大臣清原夏野上令義解初藤原不

比等作令傳歷已久當時學者互作異同乃詔夏野疏

決壅滯解釋文義夏野與參議南淵弘貞藤原常嗣文

章博士菅原清公等論辨折衷作義解十卷至是成上

之義解序 ○帝傳位於皇太子在位十一年改元者一曰
天長皇太子立是為仁明天皇

仁明天皇諱正良嵯峨帝第二子也母皇后橘氏淳和

帝受禪立為皇太子至是受禪立恒貞親王為皇太子

○夏四月制復五月五日節 ○承和元年春二月敕禁

用金銀薄泥 ○二年春正月鑄承和昌寶錢 ○三月太

宰府言壹岐嶋遙居海中地勢狹隘縱有外寇難以應

猝請發土民三百三十人常戍要害許之 ○秋七月御

紫宸殿始令正四位下菅原清公侍讀後漢書清公遠

江介古人之子也少涉經史延曆中補文章生對策登

科除大學少允尋為遣唐判官至唐見德宗弘俚中改

天下禮儀用唐制榜殿閣肆百官舞蹈皆其所建白也

○九月外從五位下島木史真製機弩左右旋轉四面

可發召諸衛於朱雀門試之機發如神 ○三年夏四月

賜宴遣唐大使藤原常嗣等詔羣臣五位已上賦詩餞

之常嗣葛野麻呂之子也少游大學涉獵史漢諳誦文

選善屬文工隸書父子相繼充此選人以為榮 ○五月

以遣使于唐詔贈奉使于唐及留學生在唐身沒者位

藤原清河贈從一品安倍仲麻呂正二品石川益立從

四品其餘紀馬主甘南備信影等各贈位有差 ○四年

皇朝通志 卷四

皇朝通志 卷四

冬十月右大臣清原夏野薨○五年春正月以大納言藤原三守為右大臣三守參議巨勢麻呂之孫也○秋七月遣唐使發太宰府○冬十二月流遣唐副使小野篁于隱岐先是藤原常嗣為大使篁為副使既發遭風漂迴時常嗣駕第一船篁駕第二船常嗣以篁船堅固奏易已船篁忿恚遂稱病獨留作西道謠以刺之其詞頗犯忌諱嵯峨上皇覽而大怒竟見貶竄○六年秋七月令畿內國司勸種蕎麥○九月遣唐大使藤原常嗣還自唐○七年春二月召還流人小野篁○夏四月癸丑灌佛於清涼殿灌佛始此○五月淳和上皇崩壽五

十五初上皇不豫頽命薄葬欲不營山陵中納言藤原吉野奏曰自古帝王不起山陵所未嘗聞也山陵猶宗廟若無宗廟臣子何仰吉野藏下麻呂之孫也○秋七月右大臣兼皇太子傅藤原三守薨三守稟性溫恭明于決斷蚤入大學受習五經優待文士遇諸塗則下馬而過人以此稱之○八月以大納言源常為右大臣○八年冬十一月彗星見西方○十二月左大臣藤原緒嗣等上日本後紀十二月已下○九年秋七月嵯峨上皇崩壽五十七○廢皇太子先是阿保親王密上書嵯峨太皇太后告東宮帶刀伴健岑等謀奉太子入東國

作亂太后使中納言藤原良房奏之遣兵收健岑及其
 黨與太子懼請辭位帝曰健岑凶逆不關太子宜勿介
 懷會上避暑冷然院太子從焉適有飛書告健岑教太
 子謀反事帝遂信之乃捕東宮僚屬廢太子遷之淳和
 院太子懼已流健岑于隱岐坐事貶竄者數十人太子
 幼岐嶷能讀經史頗屬文尤妙草隸太子幼已下後嘗
 奏曰皇太子釋奠於大學是舊儀也此禮久廢未知所
 以帝曰昔者天平末大臣吉備真備勸高野天皇幸大
 學行此禮其後八十餘年廢而不行今太子心存興復
 其可嘉尚即敕太子率百官行禮後拾遺徃生傳太子

才慧日進深達世故自以為身非冢嫡而居儲宮二上
 皇晏駕之後禍機難測乃令春澄善繩作表冀效太伯
 劉彊以避賢路不許至是廢黜非其罪朝野悲之恒貞傳殘

外史氏曰嗟峨帝舍其子而立淳和帝
 帝亦舍其子而立仁明帝其所為一出於至公而
 毫無私天下之心仁明帝之立恒貞可謂善體
 二帝之意者也然而一旦聽讒遂廢太子愧于二
 帝多矣盖恒貞之立出於嗟峨上皇之意故上
 皇未崩人無間之及上皇崩藤原氏之徒欲立其

出遂構陷之庸詎知健岑之反非讒諛之徒媒孽以
成其罪哉橘逸勢不服其罪亦足以明其誣也而
帝竟不悟使太子負冤而讒夫得志可慨也夫

但馬權守橘逸勢以黨健岑被執鞠問不服改姓非人
減死流于伊豆道死其女至孝徒步從父監護者叱之
使去女乃晝止夜行遂得相從及父死號咷哀慕收屍
葬之廬于墓側落髮為尼後負其屍以還人皆異之稱

為孝女但馬已下
文德實錄○八月立皇子道康親王為皇太子

○太宰大貳藤原衛上奏曰新羅朝貢其來尚矣而自
聖武帝之時迄于聖朝不遵舊制常懷奸心苞茅不貢

託事商賈窺國消息方今民窮食乏若有不虞何以防
之望請新羅人一切禁斷不入境內許之○冬十月三
品彈正尹兼上總大守阿保親王薨親王平城皇子生
子仲平行平守平業平賜姓在原朝臣生子已下
三代實錄○十
年春正月左大臣藤原緒嗣致仕○秋七月前左大臣
藤原緒嗣薨緒嗣曉達政事國之利害知莫不言但偏
信先入之言不容後說以此得譏○十一年秋七月以
右大臣源常為左大臣大納言橘氏公為右大臣氏公
奈良麻呂孫清友之子也初寶龜中渤海來聘清友以
良家子姿儀魁偉中選接伴使人史都蒙善相見清友

曰此人風骨不常子孫大貴後清友女為嵯峨帝后氏
公官至台輔終如都蒙之言初已下文德實錄奈良麻呂孫據橘系圖○十
二年春正月尾張濱主舞長壽樂於殿前時年一百十
三帝賜衣賞之○十三年秋八月正三位藤原吉野薨
吉野自少游學不耻下問累官至中納言以親老請解
職侍養不許吉野性至孝定省温清造次無闕其父嘗
聞有鮮肉遣人索之庖人以吉野不在弗與吉野歸而
聞之大悔恨責讓庖人終身不復食肉先是坐伴健岑
事貶大宰員外帥後遷配山城至是薨○十四年冬十
月遣唐請益僧圓仁還自唐圓仁姓壬生氏下野人幼

而警俊年十五入京師師最澄隨使如唐後為延曆寺
座首清和帝召受菩薩戒貞觀中謚慈覺大師姓已下三代實
錄○十二月右大臣橘氏公薨○嘉祥元年春正月以
大納言藤原良房為右大臣○秋九月鑄長年大寶錢
○是歲渤海來貢○三年春正月有流星竟天墜東大
如月色赤青○三月帝崩壽四十一葬深草陵世稱深
草帝世稱已下愚管抄帝性聰睿博綜眾藝最好經史工射善
書淳和帝工草書帝妙得其法人不能別也初桓武帝
遷都平安營造宮室窮極工巧至帝尤好奢靡後宮之
飾冠絕古今由是府帑空虛賦歛滋起論者譏焉初已下三

善清行意見封事在位十八年改元者二曰承和嘉祥皇太子立是為文德天皇

文德天皇諱道康仁明帝長子也母皇太后藤原氏承和九年立為皇太子至是受禪○夏四月太宰帥葛井親王薨親王桓武皇子幼警悟年六歲敕賜帶劍後歷兵部卿上野常陸太守叙三品嵯峨帝嘗御豐樂院觀射親王及群臣以次射親王時年十二帝戲謂曰弟雖幼穉當執弓矢親王應敕而起再發皆中時親王外祖坂上田村麻呂侍坐喜甚起抱親王而舞進奏曰臣嘗將數十萬眾征討東夷實賴天威以致平定自料兵畧

有所未究今親王在齟齬武技如此非臣等所及帝笑曰將軍褒揚外孫何甚過多○五月太皇太后橘氏崩初后未筭時法華寺有尼禪雲者把后臂謂曰娘子當大貴嵯峨帝立冊為皇后專務化導宮闈邕穆后信釋氏嘗創檀林寺世稱檀林皇后又與弟右大臣氏公謀建學館院教諸子弟時人以比漢鄧皇后○冬十一月立皇子惟仁親王為皇太子○仁壽元年春二月運清涼殿材造嘉祥寺○夏四月召從四位下春澄善繼於北殿講文選善繩字名達周防大目豐雄之子也本姓猪名部弱冠入學博洽多通妙詞藻明敏強記當時學

者無能及焉天長中及第補俊士賜姓春澄宿禰名達已下

三代實錄 ○二年冬十二月參議左大辨小野篁薨篁參議

岑守之子也篁少好馳馬不事學業嵯峨帝聞而歎曰

斯人之子而為弓馬之士豈不憖乎篁由是慚悔始志

于學弘仁中及第累官為彈正大弼坐事配流在路作

謫行吟七十韻人咸傳誦後赦歸復本位至參議左大

辨至是薨年五十一世稱野相公篁事母至孝家素清

貧俸入皆施親友文章冠絕當時最妙草隸初在太宰

府與唐人沉道固數相唱和道固稱其富艷嘗侍嵯峨

帝於河陽館帝賦詩一聯曰閉閣唯聞朝暮鼓登樓遙

望徃來船以示篁篁曰聖製甚佳改遙作空更妙帝驚

曰此白居易句也本作空聊試卿爾卿詩情乃與居易

同耶時白氏集始至獨藏秘府世未有睹者以故大為

帝所稱然為人不羈好直言不為當世所容人呼為野

狂云嘗侍已下江談抄 ○三年夏六月太宰帥葛原親王薨親

王桓武皇子幼穎悟有令譽及長恭謙不傲於物歷覽

史傳閑習朝典舉朝重之親王請去諸子王號賜姓因

賜子高棟平朝臣姓請去已下三代實錄 ○齊衡元年夏五月寒

甚山北微雪 ○六月左大臣兼左近衛大將源常薨常

在官舉止閑雅言論和順務進才能退讓佞時人以為

有丞相之器○二年春二月詔右大臣藤原良房參議
春澄善繩修國史○夏四月禁私養鷹鷄○三年夏四
月制五世王服色準諸臣○冬十一月遣大納言藤原
良相祀天於交野圓丘○天安元年春正月先是用大
衍曆年久差謬頗多至是曆博士大春日真野麻呂請
依五紀曆改造新曆許之○二月以右大臣藤原良房
為太政大臣大納言源信為左大臣大納言藤原良相
為右大臣良相良房之弟也○夏四月復近江相坂關
新置大石龍華二關○二年秋八月帝崩壽三十帝性
明察不好游幸留心政事能知人姦然禁網漸密憲法

頗峻論者以比漢明帝云葬真原山陵後改陵名曰田
邑世稱田邑帝改陵名以下
三代實錄在位九年改元者三曰仁
壽齊衡天安皇太子立是為清和天皇

皇朝史略卷之四終

置如七廟迭毀之制惟天
智帝山科陵歷世不除云 ○是歲僧圓珍還自唐圓珍

讚岐人空海之姪也仁壽三年如唐留學六年至是歸

是歲已下後為延曆寺座主延長中賜謚智證大師紀元

略貞觀元年夏四月鑄饒益神寶錢○五月渤海入

貢○是歲祠八幡大神於山城男山石清水是歲已下

起○二年春二月帝始讀孝經○冬十月制以唐玄宗

御註孝經立於學官先是孝經用孔鄭二註至是始行

御註○十二月新修釋奠式頒七道諸國○三年夏六

月行宣明曆○四年夏四月詔參議已上令陳時政得

失○秋七月改六月十五日相撲節用七月上旬○五

釋真

年夏五月以下野準大國例是月天寒隕霜○六年春

正月帝加元服參議大江音人參酌唐禮脩定其儀天

子冠禮始此參議已下音人備中介本主之子也公卿

受業菅原是善扶桑集博學善屬文續日本嘗奉勅撰弘

帝範三卷群籍要覽四十卷又與是善撰定貞觀格式

類聚八年春三月應天門火延燒棲鳳翔鸞二樓初

大納言伴善男與左大臣源信有隙欲陷信以代之至

是與子中庸等燒應天門誣信所為右大臣藤原良相

欲案信攝政良房為奏直其誣初已下大鏡裡書宇治

既而事發覺使參議南淵年名藤原良繩鞠善男拘中

庸於左衛門府論讞善男中庸及同謀者紀豐城等當
 斬詔減死一等流善男于伊豆中庸于隱岐豐城于安
 房豐城兄夏井亦連坐配于土佐善男參議國道之子
 也性忍酷有口辯當官幹理察斷機敏而微倖逢迎為
 人主所愛自為內記八年間累歷顯要終至公卿為人
 褊狹好斥人短眾憎之初善男微時在佐渡給事郡司
 一夕夢跨西大東大兩寺既寤語妻妻戲曰恐胯劈裂
 善男不悅至郡司家郡司善相見善男至延接甚恭善
 男怪而問之郡司曰子得異夢後當大貴而告之失人
 雖至大官必不令終果如其言

初己下江談抄著聞集

夏井美濃

守善岑之子也為人溫雅有才學書小野篁最善隸書
 篁稱為真聖文德帝聞其名召見夏井衣履麤弊左右
 咸嗤之帝曰是疲駿也非汝等所知遂得殊寵天安二
 年為讚岐守政化大行吏民親愛任滿將去百姓相率
 詣闕願乞更留二年黎庶殷富倉廩充實及去吏民贈
 遺一無所受唯留紙筆餘悉還之及為肥後守母石川
 氏聞而哭之曰吾子其不終乎吾聞肥俗貪汚恐吾子
 以清治之至是果坐事見謫出境民庶遮路悲哭過讚
 岐境百姓老幼逢迎道路哭聲相接數十里數年母亡
 執喪三年夏井多藝嘗從伴勝雄習圍碁工已過之文

タカシテ
戲藏
鈎
タカシテ

德帝與宮人戲藏鈎令夏井射之夏井曰小女青衣而
 簪白花者左手中_レ有之帝乃得之大喜又精醫藥及至
 土佐山澤所在采藥救民多得效驗○秋八月敕太政
 大臣良房攝行天下之政藤原氏攝政始此藤原氏以下大鏡○以
 按公卿補任大鏡裡書以為清和帝即位良房攝政
 政準三宮給年官年爵然本無明文故不取○九
 年夏四月始置常平倉于東西京○冬十月右大臣藤
 原良相薨良相少游大學器宇曠遠有才辯好文學之
 士有大學生貧窶者時贈綿絹冬月多製衣被畀四學
 堂夜宿者仁明帝嘗調練五石先令近侍試之近侍有
 畏難之色良相引杯即盡帝感其至心及登袞職專心

ワ
タカシテ

機務當時放鷹魚獵一切禁止山川藪澤之利與民共
 之嘗建延命院以養藤原氏生徒病困無資業者以東
 京六條宅名崇親院收養宗族子女不能自存者並皆
 割封戶資給之○十年春二月建應天門○野火燒田
 邑陵樹帝避正殿服錫紵御素膳輟朝五日○大皇太
 后宮大夫藤原良繩卒良繩內麻呂孫備前守大津之
 子也為人寬裕孝謹天至初為左大辨時南淵年名為
 右大辨大江音人為左中辨班皆在良繩下良繩私語
 又曰二人皆碩儒耆老吾齒少於二賢而職居其上出
 入進退常有汗顏左近衛少將藤原基經少有風骨才

シツカリ
帖席
勤

望甚高時論皆謂非常之器也先帝重其雅量最見親重而今共帶四位吾豈帖席セヤ有少將帶四位者中將辭職是前賢所傳也吾雖無古人之行竊懷慕遠之志久妨賢路須早避之遂稱病篤不肯視事久之三人皆進職而後就職良繩盡心奉上未嘗有過失又事後母以孝聞時人以忠孝併稱焉○冬閏十二月左大臣源信薨○十一年春正月立貞明親王為皇太子○夏四月大納言藤原氏宗等上貞觀格○詔以炎旱減服御常膳○秋八月太政大臣良房參議式部大輔春澄善繩上續日本後紀八月己下續日本後紀序○十二年春正月以大納言

言藤原氏宗為右大臣氏宗中納言葛野麻呂之子也葛野麻呂子據公卿補任○鑄貞觀永寶錢○二月先是新羅海賊夜入筑前博多津掠豐前貢絹至是敕太宰府令緣海諸郡警備○參議春澄善繩薨善繩性周慎謹朴不以已長加人為文章博士時諸博士各自名家迭相輕侮弟子亦立門戶常爭短長善繩恬退謝遣門徒終不為謗議所及年老聰明不衰文章加麗及疾病詔授從三位○夏六月敕太宰府置精兵五十人於對馬島○冬十一月筑後史生佐伯真繼告太宰少貳藤原元利萬侶與新羅通謀下真繼於檢非違使○十三年春二月

源融為左大臣大納言藤原基經為右大臣參議南淵

年名為中納言從四位上菅原是善為參議基經良房

之子按系圖基經長年名因幡守永河之子是善清公

之子也良房子己下○九月太政大臣良房薨詔贈正

一位謚忠仁○十五年夏四月以皇子貞固貞元貞保

貞平貞純為親王長歎長淵長鑒賜源姓○十七年夏

六月太政官曹司廳南門隕雪○十八年春三月太宰

權帥在原行平奏請營壹岐水田充對馬年糧割肥前

松浦郡庇羅值嘉二鄉建上近下近二郡為值嘉島置

島司郡領○夏四月大極殿火○冬十一月帝傳位於

皇太子帝性寬明仁恕舉動遵禮專精政事好讀書傳

鷹犬之娛未嘗留意故後世言政治者咸稱貞觀云○

貞觀末京師有白箸翁者不知姓名邑里皓髮皂衣常

出游市中以賣白箸為業時人呼曰白箸翁人問其年

每告以七十市中有賣卜者年可八十語人曰吾為兒

時既識是翁被服顏容與今無異聞者疑其有異術有

與飲食者取醉飽而止或涉日不食亦無飢色放誕隨

時不定人莫測其際後病終市門側市人收尸葬之後

二十餘年有僧見翁于南山居石室焚香誦經問曰翁

無恙笑而不答後不知所之貞觀末以下帝崇信佛法

際

可

既遜位居清和院常御菜蔬遂斷聲色後落髮歷覽名山古寺還御丹波水尾山寺其後不復御酒酢鹽豉苦修備至元慶四年崩于圓覺寺

外史氏曰甚哉浮屠氏之爲旣也 帝以天子之尊身爲沙門之行春秋未盛至去位而不顧其後 宇多華山脫屣萬乘捨身佛寺未必不由 帝之作俑也蓋 帝之崇信釋氏同軌梁武幸而寶祚未衰金甌無缺終免梁武之旣然貞觀以後外戚顯政權柄下移皇室不振職此之由安知承平之亂不胚胎于此哉

帝在位十九年改元者一曰貞觀皇太子立是爲陽成

天皇

陽成天皇諱貞明清和帝第一子也母皇后藤原氏貞

觀十一年立爲皇太子至是受禪以右大臣藤原基經

攝政○十二月尊清和帝曰太上天皇○是歲渤海朝

貢○元慶元年春正月帝即位於豐樂殿時年十歲○

夏四月造大極殿○二年夏五月以右中辨藤原保則

爲出羽權守討叛夷先是出羽倭夷叛燒秋田城出羽

守藤原興世起兵拒之屢爲所破至是攝政基經召

保則命以招討之任保則固辭基經彊之保則曰必不

內附以
東至三
百年

得已請陳愚計恐公不能用耳基經固問保則曰蝦夷
內附以來垂二百年畏服朝威無有寇逆今聞秋田城
司良岑近者聚斂無厭徵求萬端故疊怨積怒以致反
叛夷種衆多遂相合從賊徒數萬窮寇死戰一以當百
難與爭鋒如今之事雖坂將軍復生不能蕩平若教以
義方示以威信播我德音變彼野心不用尺兵大寇自
平基經曰善保則曰今雖以恩信化之而醜類衆多猶
有不馴服者可以兵威臨之前左近衛將監小野春風
累世將家驍勇絕人遭讒免官願先令春風率精兵示
以朝廷威信然後以德招致不歷數月自應銷散基經

大悅乃以保則為出羽權守擢春風為鎮守將軍保則
奉詔即發晝夜兼行道遇飛驒相繼報夷虜強盛官軍
敗衄之狀從騎十餘人皆莫不奪氣而保則意氣自若
殊無懼容春風至秋田營挺身入虜軍具宣朝命如保
則意於是夷虜叩頭拜謝乃競以酒食饗官軍豪長數
十人相率隨春風至國府保則召見慰撫時有渠帥二
人不肯歸附保則問諸豪長二虜不來汝意如何皆云
殊自有謀願誓垂寬假後數日斬兩夷首以獻之保則
即遣使撫納餘種自津輕至渡島雜種夷人前代未嘗
歸附者皆盡內屬保則復立秋田城壘柵樓塹皆倍舊

倍不
津輕

堵 决 理

仍舊

制出羽民夷雜居田地豪腴多產珍貨豪吏兼并私增
 租稅恣加徭賦由是編氓貧窮姦猾多致富溢保則嚴
 設法令有犯者捕而案之百姓安堵邊庭無事時陸奧
 夷虜有訟皆至出羽取決初保則在兩備專以仁惠化
 之及是理之以嚴亦治云至是已下三善清行所著保則傳 ○秋九月
 諸國地大震相模武藏特甚數日不止公私廬舍一無
 全者百姓多壓死地陷道路不通 ○三年冬十一月攝
 政基經上文德實錄三年已下文德實錄序 ○四年冬十二月以
 攝政基經為太政大臣職仍舊 ○太上皇崩年三十一
 是歲創焚學院是歲已下西宮記 ○五年冬十一月初嵯峨

城 樣 不 祥 痛 惜

對 策

廢太子高岳剃髮為僧貞觀中如唐求法在唐十餘年
 至是學問僧中確自唐上牒告廢太子高岳赴西域至
 羅越國而薨帝下詔痛惜焉初廢太子早升儲貳世人
 號曰蹲居太子識者以為不祥後果見廢 ○六年春正
 月以大納言源多為右大臣 ○冬十一月渤海使裴頊
 來以菅原道真權行治部大輔事與島田忠臣接伴之
 道真是善之子也是善子據公卿補任 幼而穎悟一代要記 年甫十一
 是善命賦詩立成是善歎異梅城錄 後從都良香游太平記
 貞觀中舉文章生對策及第裴頊稱其詩以為近白居易
 易體稱其詩已下菅家文章草 ○八年春二月帝遜位於二條院帝

年稍長昏狂日甚作厩禁中飼馬三十匹右馬少允小
 野清如以善養馬被寵權少屬紀正直好道術出入禁
 中而清如最多不法基經悉逐之帝在宮中捕捉蛇蛙
 或鬪犬猿令人上樹而掎殺之帝在宮中已下世續物語祈年祭前
 手刃人基經深憂之欲廢帝會公卿議之眾議紛紜久
 而不決參議藤原諸葛按劍曰今日之事宜隨太政大
 臣處分有違者斬之議遂決玉海承安二年於是公卿定策迎
 時康親王立之在位八年改元者一曰元慶時康親王
 立是為光孝天皇自獻光孝天皇太子高祖出而親王
 光孝天皇諱時康仁明帝第三子也母贈皇太后藤原

氏少而聰明好讀經史容止閑雅親愛九族初為親王
 渤海使王文矩見帝在諸王中竊告人曰此皇子有至
 貴之相必登大位及陽成帝遜位太政大臣基經與親
 王公卿奉劍壘勸進帝遂即位初基經欲廢陽成帝求
 宗室宜立者詎諸皇子見之諸皇子咸裝飾見之獨帝
 坐敝簾中筵席毀壞見基經容止自若基經以為有人
 君度遂迎立之初基經已下古事談○夏六月恒貞親王薨初基
 經廢陽成帝屬心恒貞陳推戴之意恒貞拒而不納恒
 貞初在東宮好圖畫或進偃息圖一卷命焚之曰此致
 辱於所生也聞者歎服恒貞傳下自遭廢黜深好佛法精

進持戒及薨遺命薄葬務從儉率○仁和元年春正月
始禁參議以下著貂裘○冬十月敕太宰府禁私買唐
物○二年秋七月夜有長人見紫宸殿前左近衛陣有
聲如絞人者世謂之鬼絞○三年秋七月地大震兩京
諸司民屋多顛覆壓死者衆五畿七道諸國海溢人多
溺死○八月宮中無故夜驚京師多妖○是月帝崩壽
五十八初帝多皇子然憚基經未言所立至是不豫基
經入臥內奏曰陛下萬歲之後神器將付阿誰帝曰唯
公所擇基經曰以臣所見其惟王侍從乎王侍從者定
省也帝大喜召定省右執其手左執基經手泣曰大臣

德

勲勞莫大汝慎勿忘初帝已下愚管抄引寬平御記遂立定省為皇太

子是日帝崩扶桑略記葬葛野郡小松鄉後田邑陵延喜式小松鄉

據仁和寺御傳世稱小松帝愚管抄略記在位四年改元者一曰仁

和皇太子立是為宇多天皇

宇多天皇諱定省光孝帝第七子也三代實錄母洞院皇太

后初任侍從賜源姓至是踐祚○仁和三年冬十一月

詔萬機巨細皆關白於太政大臣基經扶桑略記關白始此

濫觴抄攝關傳基經懇乞歸政不許詔曰社稷之臣非朕臣宜

以阿衡之任為卿任左大辨橘廣相所草也或告基經

曰公豈罷政乎阿衡位高而不預事基經曰然則吾閑

草クニニ

可知世臣
擬之非
所古堪
大臣
在左
藉宰
輔
好
詔稟

人而已命放厩馬十訓 ○四年春二月特詔關白基經
準三宮基經奏曰前詔云宜以阿衡之任為汝之任臣
不知阿衡之任心竊持疑近聞博士議阿衡無職掌苟
無職掌則崇高可知以臣擬之非所克堪然居無職掌
之地固臣之素志也帝大驚敕喻曰太政大臣援立先
帝保護朕躬功大德高不媿周霍去年下詔關白萬機
而堅執閒退之志夫歷代明王猶藉宰輔矧朕小子輔
導是賴而廣相草詔殊失本意朕欲庶政必先諮稟于
公而垂拱仰成基經乃奉詔 ○秋九月敕巨勢金岡畫
弘仁以後能詩者像於清涼殿記略金岡善畫尤妙畫馬

及後帝居仁和寺畫馬殿壁有物夜嚙傍近田稻人不
知其所自後見畫馬之蹄有泥試刮其眼睛乃止著聞集
其子公望公忠公望子深江深江子弘高奕世傳業後
世言繪事者以巨勢氏為宗云花鳥餘情引雅兼記 ○冬十月右
大臣兼左近衛大將源多薨記略 ○寬平元年冬十一月
始修賀茂臨時祭鏡大 ○是歲高望王賜姓平朝臣王葛
原親王孫高見王之子也紹運錄盛衰記 ○二年夏五月參議
左大辨橘廣相卒公卿補任廣相幼有文名九歲許昇殿談
及長博學貞觀中補文章生對策及第為右衛門大
尉叙從五位下渤海使來奉敕宴詩人賦詩三代實錄廣相

對策

歷仕三朝近侍左右補任博涉群書皆橫看讀過嘗覽一

代藏經七日而竣江抄談至是卒以侍讀勞詔贈中納言

從三位補任○冬十二月太政大臣基經辭關白許之

菅家○是歲鑄寬平大寶錢抄○三年春正月太政

大臣基經薨贈正一位謚昭宣畧記基經在職續密祇畏

敦崇儒術三代實錄初清和帝遜位居水尾山帝既崩後基

經著帝所嘗賜御衣侍內宴其應制詩曰醉望西山僊

駕遠微臣淚落舊恩衣聞者感歎江談抄○三月以大納

言藤原良世為右大臣畧記良世冬嗣之子也尊卑分脈○六

年夏五月唐使來聘按此時唐國大亂不當踰海修聘

蓋商賈來交易詐稱唐使也然從

本書不○秋八月以參議菅原道真為遣唐大使右少

辨紀長谷雄為副使畧記會唐亂不果行皇代畧記長谷雄彈

正忠貞範之子也補任生而穎敏成童志學受業大藏善

行後從道真學道真初未奇之及見其詩歎曰不意詞

藻至此自是屢相唱和延喜以後詩序三善清行嘗與長谷雄

論文詬罵曰自古無有不才博士今始於汝長谷雄不

校人服其雅量江談抄今昔物語○九月新羅寇邊對馬守文

室善友與賊兵戰大破之獲大將三人副將十一人卒

三百餘人畧記○冬渤海來貢菅家○七年秋八月左大

臣源融薨畧記融嵯峨皇子紹運嘗營河原書院於東六

星明史略 卷五

條顯昭古今和歌集抄園池之美窮極工巧江談抄每月使人汲難

波潮二十斛日煮鹽以模陸奧鹽竈之勝既歌集抄世

稱河原左大臣十訓抄○八年秋七月以右大臣藤原良

世為左大臣大納言源能有為右大臣畧記能有文德皇

子也○冬十二月左大臣藤原良世致仕補任○九年夏

春海貞吉卒貞吉本唐儂師也大同中以由基所風俗

舞勞為左近衛後補雅樂助嘗受醫方常服枸杞年一

百十六猶有壯容至是卒年百十九政事畧○六月右大

臣兼左近衛大將皇太子傳源能有薨○秋七月帝禪

位於皇太子畧記詔大納言藤原時平權大納言菅原道

真輔佐少主參決機務紀畧自著書歷舉臣庶賢否國

家得失以為訓誡寬平遺成帝嘗使畫工圖殷周以來名臣

像於紫宸殿障子著聞集其勵志如此帝嘗以九月十三

夜賞月後因以為故事中右記長帝深好佛法脫屣之

後落髮築室仁和寺居焉世稱御室深好已下仁在位和寺御傳

十一年改元者一曰寬平皇太子立是為醍醐天皇

醍醐天皇諱敦仁宇多帝長子也母贈皇太后藤原氏

寬平五年立為皇太子至是即位時年十三日本紀畧

○昌泰元年春二月始讀群書治要紀畧○二年春二月

以大納言藤原時平為左大臣權大納言菅原道真為

右大臣紀畧時平基經之子也三代實錄○三年春正月以

大納言藤原高藤為內大臣尋薨紀畧高藤冬嗣孫大

舍人良門之子也號勸修寺尊卑分脈○冬十月文章博士

三善清行上明年辛酉革命議于時右大臣菅原道真

權勢甚盛清行勸之退避道真不納乃以書貽之曰伏

見明年辛酉運當變革二月建卯將動干戈遭凶衝禍

雖未知誰人引弩射市溥命者亦當中之天數幽微難

以推察人間云為誠足知亮伏惟閣下挺自翰林超昇

槐位朝之寵榮道之光華除吉備公外無復與比伏冀

知其止足察其榮分擅風情於煙霞藏山智於丘壑後

生仰見不亦美乎畧道真不從遂遭貶謫續右事談

外史氏曰貞觀以後藤原氏顯權而天子拱默受制

紀綱陵遲和宇多帝英明有見于此登庸菅原道真

會委以太政欲以收外戚之權而張王宰之勢矣然

帝一旦去位而道真亦以讒去藤原氏之權滋盛而

不可復收矣由此觀之道真之去就實係國家之興

衰豈得以一身之故去位哉蓋道真之於君也盡誠

竭節死而後已不爾螳螂奮臂黃雀張口伺隙其後

道真豈不之知哉然以其身任天下之重受禍而弗

辭斯其所以為忠也而論者譏其不去位以為闇事

機非至論也

○十一月前左大臣藤原良世薨紀畧○延喜元年春正

月貶右大臣兼右近衛大將菅原道真為太宰權帥以

大納言源光為右大臣紀畧光仁明皇子也紹運錄初藤

原時平與道真執政道真以碩儒宿德有時望而時平

年少才亦不及以故道真眷注日厚時平意甚不平大鏡

會法皇與帝議欲以道真為關白因召道真密諭其意

道真固辭畧記時平聞而益不悅遂與光及藤原定國藤

原菅根等誣構道真密奏云竊謀廢立道真女適齊世

親王故時平以是動之帝信之竟見貶黜一代畧野緣起愚管

抄錄法皇聞之欲見帝申理菅根遏絕不通

道真男女二十三人皆坐配流蔭起時平欲禁錮放

逐諸司諸生受學於管門者三善清行致書止之其議

遂寢本朝文粹菅根右兵衛督良尚之子博涉經史兼通百

家三代實錄以道真薦登用後在殿上忤道真意道真怒而

毆之管根深銜之遂黨時平陷道真愚管抄○秋八月

左大臣藤原時平等上三代實錄○三年春二月太宰

權帥菅原道真薨于貶所年五十九補任道真歷事五

朝尤為宇多帝所親任寬平遺戒帝嘗好游獵道

真諫止之續古事談隨事獻替多所匡救寬平遺戒及被配閉門

不出託文墨自遣管家文草雖謫居無慘未嘗忘忠愛

之意一日遇重陽賦詩曰去年今夜侍清涼秋思詩篇

獨斷腸恩賜御衣今在此捧持每日拜餘香聞者莫不

感歎大鏡至是薨天曆初建祠於右近馬場以祀之號北

野社畧記○四年春二月立皇子崇象親王為皇太子○

五年夏四月大内記紀友則御書所預紀貫之等上古

今和歌集○七年冬十一月鑄延喜通寶錢畧紀○是歲

左大臣藤原時平等上延喜格延喜格序帝○八年夏

四月渤海使裴瑆來以管原淳茂為掌客使畧記淳茂道

真之子也初貞觀中瑆父題奉使來朝與道真倡和及

是淳茂亦與瑆倡和言及先人時事瑆讀感泣異域之

人兩世邂逅人以為奇遇江談○九年春正月定天下

常平倉穀價升直三錢西官○夏四月左大臣兼左近

衛大將藤原時平薨贈正一位太政大臣○十三年春

三月右大臣兼左近衛大將源光薨畧紀初五條道祖神

祠有大柳樹時人訛言有佛現樹上放光雨寶華舉都

集拜光聞之謂必妖魅所為乃往樹下辟人仰視移時

不瞬佛忽變為大鴟而墮人服其明決今昔物語光嘗黨藤

原時平構陷管原道真遂代道真為右大臣北野至是

出獵馬逸墮墮而死畧紀○十四年春二月詔求直言式

部大輔三善清行條陳便宜十二肅祭祀禁奢侈抑兼
并勵學生省舞妓慎刑獄均祿賜擇牧宰程課役嚴邊
備汰僧徒修津泊本朝文粹
外史氏曰弘仁以來名公鉅卿上疏言時務者不知
凡幾然剴切痛快未有若清行封事者真可謂經世
有用之才矣使帝盡用其言延喜之治豈特止此
哉夫以清行之才遇帝不為不遇而猶不得盡其
蘊况叔世之士事庸主而欲展其才用不亦難乎
○夏六月禁服飾奢侈○秋八月以大納言藤原忠平
為右大臣○十六年夏五月四品中務卿貞純親王薨

紀畧○十八年冬十二月參議式部大輔三善清行卒補任

年七十二據本朝文粹所載詒眼文延喜十三年吾年六十七之文紀畧畧紀並為七十三誤也

清行淡路守氏吉之子也補任受業巨勢文雄江談抄涉

經史旁通百家明法律精算術洽聞強記為一時宗師

嘗為詰眼文以寓其意文粹所著有善家集本朝書目錄五條

堀河有凶宅人不敢居清行買而居之妖竟熄今昔物語○

二十年夏五月渤海使裴璆復來朝大江朝綱為掌客

使畧記及還朝綱為序贈之璆大歎賞後本朝人至渤海

彼國人問曰江公既為相否曰未曰大邦何以不重文

才其播譽異域如此著聞集朝綱音人之孫官至參議世

稱音人曰江相公朝綱曰後江相公文粹○冬十二月

賜皇子高明兼明源姓○延長元年春三月皇太子薨

謚文獻○夏四月詔復故太宰權帥菅原道真原官紀

初道真薨後藤原管根藤原時平相踵而逝至是太子

亦暴薨太子母時平女也世以為其祟故有是命畧記

緣起時平○立皇孫慶賴王為皇太子○二年春正月

以右大臣藤原忠平為左大臣大納言藤原定方為右

大臣畧紀定方高藤之子也尊甲○三年夏六月皇太子

薨○冬十月立皇子寬明親王為皇太子○四年秋七

月大和長谷山崩畧紀○是歲契丹阿保機攻渤海扶餘

城下之號曰東丹府命其子突欲鎮之五代史○五年

冬十一月左大臣藤原忠平等上延喜式畧紀先是詔左

大臣藤原時平大納言藤原定國等撰格式未成而時

平等薨其後詔忠平等編集之至是成延喜式○六年夏

六月命少內記小野道風書賢君名臣言行於清涼殿

南廂粉壁畧紀道風篁之孫也工艸隸道勁神逸冠絕古

今系圖著聞集片帑隻字人競求之至不得者以為耻其為

世所貴如此鏡今後世稱道風及藤原佐理藤原行成為

三蹟正徹物○七年夏五月新羅全州酋甄萱遣使請

歸化却之畧○秋八月敕公卿上意見畧紀○八年夏四

月東丹國使至丹後却之記畧○六月雷震清凉殿大納

言藤原清貫右中辨平希世等震死帝不豫○秋九月

帝病大漸傳位於皇太子紀畧詔左大臣藤原忠平輔

幼主攝政事○帝崩紀畧壽四十六先是宮中有鬼迹又

有鬼見常寧殿長過殿棟又北陣衛士夜視大熊十餘

入陣忽然不見至是帝晏駕畧帝臨御日久勵精圖治

神皇正統記延喜中新立格制而風俗奢侈多犯者帝患之

一日藤原時平盛飾而入帝見而大怒使職事讓之曰

今者嚴立格制左大臣身長百僚首犯國禁大臣舉動

豈宜如此時平惶懼歸第屏居月餘自是奢侈頓改大鏡

帝性慈仁愛民寒夜親脫御衣以省民間凍餒大鏡十訓抄

每見群臣假以顏色嘗曰持已嚴格人難盡言故朕常

溫顏色以來諫者大鏡東齋隨筆蘇首也

外史氏曰天下之患莫甚於壅蔽盖人君居廣厦之

下帷帳之內所視不過垣墻而所與居者非婦人女

子則奄豎頑童而已而左右前後亦莫非佞諛之徒

人君日與之共居狂逢迎承順而不聞君子之讜言

適聽逆耳之言艱然以怒不以爲狂則以爲愚故下

有姦臣而弗知百姓怨嗟而弗聞老臣專政胥吏弄

權威福之柄下移而弗悟釀亂胎既而恬然以爲天

下又安萬世無虞而不知危凶之憂已逼旦夕此古今壅蔽之常患也賢君知其然故親忠直而遠佞諛開言路而決壅蔽所與居者莫非謇諤匡弼之臣聽以天下之耳視以天下之目故能持盈而不溢居高而不危此其所以長保富貴而社稷鞏固無土崩之患也帝初雖聽讒邪之言而逐忠臣後深自懲艾開言路進忠直虛己受諫謇諤之言惟恐不聞此延喜之治所以為後世之稱首也後之人君苟以帝為師安有壅蔽之患哉

是為朱雀天皇

朱雀天皇諱寬明醍醐帝第十一子也母皇后藤原氏

延長三年立為皇太子八年十一月即位時年八歲左

大臣藤原忠平攝政日本紀畧○承平元年春二月以京師

多盜命近衛衛門檢非違使每夜巡捕扶桑畧記○秋七月

宇多法皇崩壽六十五○二年秋八月右大臣兼左近

衛大將藤原定方薨○三年春二月以大納言藤原仲

平為右大臣紀畧○秋七月官符東海山陽二道及丹波

太宰府禱神社警兵備先是有犬矢紫宸殿版位其占

兵革應起故豫備之○颶風發屋其占西南兵起又符

山陰山陽太宰府警兵備○冬十二月南海道海賊起

○四年春三月山城獻雞雛一頭二身四足二尾○秋

七月遣兵庫允在原相安追捕海賊記畧○五年春二月

下總人平將門攻其伯父常陸大掾國香殺之又與其

叔父下總介良兼構兵良兼敗死將門遂據下總勢益

猖獗將門記春二月據歷將門上總介高望之孫鎮守

府將軍良持之子也系圖將門記勇悍絕人最善騎射少仕

攝政忠平求因其薦為檢非違使忠平不聽將門憤恚

正統去赴關東居下總豐田郡畧記常以攻剽為事今昔

○夏四月地大震畧記○是歲新羅為高麗王王建所滅

三國史記東國通鑑○六年夏六月以從四位下紀淑人為伊豫

守討海賊畧記賊徒服其寬仁降者二千餘人賊帥小野

氏寬紀秋茂等亦來歸淑人悉釋之與衣食給田疇令

之就業民乃得安畧記○按紀畧載藤原純友據海島

此時事故今不取淑人長谷雄之子也紀畧○秋七月以攝政

忠平為太政大臣大納言藤原恒佐為右大臣紀畧恒佐

良世之子也○天慶元年夏四月地大震內膳司顏壓

死者四人竟是月地日震○五月右大臣兼右近衛大

將藤原恒佐薨紀畧世稱土御門右大臣尊卑○六月

地大震鴨河溢民屋多壞○冬十二月大雪深丈許○

二年春三月太宰府却還高麗使者○夏四月出羽言

俘囚作亂紀○冬十一月平將門反紀攻常陸介藤

原維チカ幾執之將門時武藏權守興世王傾險幸亂通好

將門協心計畫乃說將門曰掠取一國與奪數國其罪

一也不若并坂東以窺時機將門大喜十二月攻下野

守藤原弘雅弘雅迎降至上野逐介藤原尚範於是建

都下總猿島署置百官僭號稱新皇門○伊豫言

前掾藤原純友反初海賊之起朝廷令純友討之既而

純友抄掠郡邑所在騷然外初將門在京師登比叡

山下見皇都竊挾覬覦之心正統乃與純友約曰他日

我登大位以子為關白鏡至是純友遂反應將門圖犯

京師潛遣兵士行火於東西京京師騷擾備前介藤原

子高風聞其事欲詣京師奏之純友使人追執之并害

其子朝廷震駭發警固使於諸國事○三年春正

月以從四位上藤原忠舒為東海道追捕使從五位下

小野維幹東山道追捕使右近衛少將小野好古山陽

道追捕使尋又以參議藤原忠文為征東大將軍募東

山東海建殊功者賞以不次紀將門略武藏相模置留

守課賦役聞平貞盛在常陸率兵來攻貞盛潛匿不出

將門駐軍數日不知貞盛所在以為無虞遂歸下總散

遣兵士貞盛偵知之與下野押領使藤原秀鄉率兵襲之將門蒼黃出距大敗貞盛秀鄉乘勝攻之將門自度眾寡不敵欲誘致二將於險隘擊之退保島廣山貞盛秀鄉縱火燒其營追戰於北山將門常選精兵八千以自衛時未集眾僅四百餘距戰甚力官兵少卻貞盛秀鄉與藤原為憲督士卒大戰遂敗之將門單騎突陣貞盛射而斃之傳首京師黨與皆伏誅紀畧畧記今昔物語秀鄉以功叙從四位下貞盛叙從五位下紀畧秀鄉下野大掾村雄之子貞盛國香之子為憲維幾之子後世伊東工藤諸族皆為憲之後也尊卑分脉初將門之反秀鄉欲與之往

候之將門方梳髮遽喜出迎髮不遑理既而饌至對食將門下筋飯迸落汚袴輒自拂拭秀鄉大失望以為輕躁無量不足濟大事遂與貞盛勦力討滅之盛衰記○夏六月先是朝廷以將門純友一時煽起下符教諭純友授從五位下純友不悛狂悖日甚畧記古事談至是侵掠讚岐伊豫兵勢甚盛紀畧時朝廷以右近衛少將小野好古為追捕使長官武藏介源經基為次官右衛門尉藤原慶幸為判官左衛門志大藏春實為主典分遣播磨讚岐造戰艦二百餘艘徑赴伊豫官軍未至賊帥藤原恒利詣讚岐介藤原國風納款恒利備知海陸險夷及賊

之巢窟國風以為鄉導進擊賊徒大破之畧記古好古

篁之孫經基貞純親王之子也尊卑分脉○四年夏五月征

南海賊使小野好古奏賊劫掠太宰府以參議藤原忠

文為征西大將軍討之畧紀時太宰府兵與純友距戰反

為所破純友遂燒太宰府賊勢復振好古率精銳由陸

路慶幸春實浮海赴筑前博多津攻之春實裸袒被髮

執短兵直入賊軍藤原恒利藤原遠方等繼進縱火燒

賊船眾遂潰純友乘舟逃還伊豫為警固使橘遠保所

獲畧記古事談○按傳首京師畧紀○秋八月純友餘黨

寇日向官軍擊而大破之○九月賊徒又寇豐後追討

使源經基距戰敗之獲賊魁桑原生行傳首京師外記

初將門之誅也朝廷論功行賞眾議藤原忠文亦宜在

褒典大納言藤原實賴曰忠文無功焉得賞中納言藤

原師輔曰不然經曰罪疑從輕賞疑惟重彼既銜命出

京不為無勞奈何舍之實賴不從其議遂寢十訓抄古事談○

冬十月太政大臣忠平罷攝政公卿補任○十一月以忠平

為關白○五年春三月詔公卿大夫内外五位已上秀

才明經及第儒生上封事言得失畧紀○夏四月始行石

清水臨時祭畧記○行幸賀茂社奉神寶賽賊平畧紀賀茂

行幸始此玉海文○七年夏四月以大納言藤原實賴

治三年

皇朝史略 卷五

為右大臣紀實賴忠平之子也補○立皇弟三品太宰
 帥成明親王為皇太弟○八年秋九月左大臣兼皇太
 弟傅左近衛大將藤原仲平罷尋薨紀仲平資性溫藉
 嘗有星變司天奏咎在大將右大將藤原實賴惡而讓
 之或勸仲平讓之仲平曰是移咎於彼以求自免也實
 賴年少才高寔國之寶也我年已老無益於時死亦何
 所損遂不讓焉今昔物語○九年夏四月帝傳位於皇太弟
紀帝政尚寬仁議者以為過寬藤原忠平嘗從容言及
 之帝曰朕聞之先帝公之先人嘗曰政如張琴瑟大絃
 急則小絃絕朕若嚴急下民何堪古事談在位十七年改

元者二曰承平天慶皇太弟立是為村上天皇紀

